

Jekabaara

Jamana



Okela cuman n'a muosman kunnafoniesben

a be ba kalo o kalo

Jamana beurjeed le BP: 2043 Bamako (Mali)

JEMUFANGAKO

"Kunnafontanya de ye
fasojola jugu fôc ye"

Mali jamana farala sariyajamanaw kan. O wale bôra jamanadenw yercé ka cesiri n'u ka kiscya la. O bangena jemufanga cokoli la an ka Maliba kono. N'i ko jemufanga, a fo sariyajamana bawo nin fen fila taalan de ye nogon ye. Do te waley a do kô abada. Ninnu be sigi kala jumen kan sa ! O ye sariyabolili n'a damakeneni ye bëe ye. O be bila fasodenya minen kono (fasojowale, felajira, jekafô n'u nogonnaw).

Fasodenya yercé be fo de ? Kise jumenw b'a kono ? Felafô be mun de nofè ? Sariya yercé ye mun fen sugu ye dërc ? Sariya ko cogo di nénamaya taabolow ia ? Ninnu ye nininkali damadòw ye an ka kan ka minnu nénini k'u jaabi jönjönw dòn. N'olu dònna an fe a ka ca a la, an be tanga fili walew ma wa an b'an jeniyorô fin an ka fasojo la. O cogo la, an be an ka nénamaya ke daamu na. Ninnu jaabiw dònna fana b'a to an be jemufangatile min na, o be sinsin an boio jamana kono.

O siratige la, Jekabaara bëna jemufangako kunkun n'a nénenw bëe fesefesë aw ye ninan san 2001 boko nataw bëe la yaasa aw be se ka faamuya jönjönw soro a kan. N'Ala sonna.


O tuma, aw y'aw jija k'aw tegeda aw ka Jekabaara boko kelen kelen bëe kan k'u lasagon k'a ne walasa an bëe lajflen be je ka jemufanga senkorodon an ka jamana kono. Bamananw ko "kunnafontanya de bëe maa sebë bila fili la". Siga t'o la. U ko tuun "maa lasominen tulotige man di wa a nogon fasojo la". Ni faso in ma jo heere t'an jamanaden si ye de. An k'o fo ka nogo bo o la.

Yusuf Jalo

"UNICEF" ka san 2000nan baara kelenw nafolisëben kono

"Dine denmisenninw ka ladon konuman walima an ka nénamaya ka lanogo"

Ne 2nan



Bi furuko
Do be Ne la...

Ne 3nan

"Kalan be mögö son hakili la, nka kunnafoni be mögö bo kunpan na". Yoro Ulen Sidibe


"UNICEF" ka san 2000nan baara kelenw nefsolisben kɔnɔkow

"Dijne denmisenniw ka ladon konuman walima an ka nənamaya ka lanogo"

Dijne denmisenniw kunkankow taalen don bolo fila la "UNICEF" fe. San 2000nan desanburukalo tile 12, "UNICEF" ye lajeba do sigi senkan "New York" n'o ye Lamerikenjamana faaba ye. O senfe, "UNICEF" nəmaaba n'o y'an balimamuso "Carol Bellamy" ye, ale ye san 2000nan baara kelenw nefsolisben kɔnɔko kibaruya kumabaw lase maaw ma. Səben in kɔnɔkow bə weele bila dijne kotigiw ma hakilinaba do kan. O be mun fo ? O ye ko *"dijne denmisenniw ka ladon konuman walima an ka nənamaya ka lanogo"*. Bəe b'a dən ko den ka nənamaya basigili bə jumin furance kɔnɔ n'o y'a bange don ye fo ka taa a bila a san 3 la. An dun bə don min na i ko bi, o jamana ka dogon minn kunnasigiy ye dabaliw tige ka nəsin denmisenniw ladonni konuman ma. O sira kelen kan, jigiyaw (maa kunda), o te fa bawo olu bə don da wərew fe min te denmisenniw ladonni ye. Denmisenniw bə to bolokofemaaya ni səgenjugu dingé kɔnɔ.

"UNICEF" ka san 2000nan baara kelenw nefsolisben kɔnɔko fan dəw bolila denmisenniw bangebgaw ka nənamaya yere cogow kan. Dijne banajuguw "VIH/SIDA", mugujugulakelw ni səgenjuguw, k'olu firilen t'u kan, bangebaga ninnu ma salaya tuma si denmisenniw josariyaw n'u hajuw nənaboli la.

Səben in jira fana ko denmisenniw ni bangebaga musoman lakanani de bə taa ni nəgɔn ye. O yərə la, an balimamu-



D+C ka ja

Maramafen te denmisenni ka nənamaya daamufen ye

so "Carol Bellamy" ko "ni muso ka kənəya sabatira a ye ani k'a lasom a josariyaw la kalan senfe, o bangebaga masina de bə denw ladoncogo numan dən". O sira kan, "Carol Bellamy" y'a nini ko fo cew ka lafaamuya nin degunw ni geleyaw la walasa musow ni denw bə bə bolokofemaaya la maaw bolo. Walasa ka sira numan don denmisenni kɔrə a ka nənamaya la, "UNICEF" ka nin səbenba ye hakilinaba kelen de da kənə kan : dijne denmisenniw ka ladon a nəma wa den kana bə den na. "ONU" ka laadalalaje min bəna kejinan san setanburukalo la, o bə se ka jate wasa kubɔtə ye hakilinaba in waleyali la dijne denmisenniw ye. O laje min bəna sigi dijne denmisenni tɔgɔla, o bə ke kiiməni ye ka nəsin dijne jamanaw

ka san 1990 lahidu talenw ma.

Dijne jamanakuntigiy ni setigibulon nəmaa caman bəna ye kənə in kan ka fara dijne kenyereye cakəda caman kan. A ko bə dijne denmisenni minnu kunkan, olu caman fana bəna ye kənə in kan.

Lahiduseben min b'a wasadon denmisenniw ni funankəniniw ka fasodenya n'u josariyaw lajeyali n'u waleyali la, lajeba bolodalen in bəna o səben labən baaranogɔnya hakilina sira kan.

An ye nin kunnafoniw bə kunnafonilasesəben "26 Mars" ka oko 122 nan kɔnɔ Bolon : "Pascal Villeneuve" "UNICEF" ka lasigiden don Mali la Bayelemabaga : Yusuf Jalo

Bi furuko

Dō be ña la...

An ka taamaw senfe, an sago ye ka kumada di an balima jamanadenw bée ma u k'u felaw jira an na jamana taabolow ni hadamadenya yere basigili kan. An ye furuko walanda ta nin boko in na. Furuko hakilijagabō min daminenen file nin ye, an b'a jini aw Jekabaara kalanbagaw fe aw k'an deme n'aw hakilinaw sebenni ye k'u ke bataki ye k'u ci an ma Bamako walasa an ka je ka njogon bilasira a ko kan. A dō la, a be ke sababu juman ye an yerew ma an ka jenamaya kono. O tuma, aw y'aw ka bataki bila ka na Jekabaara la. Kuma be aw bolo dère..

Hakililajigin na, san 2000nan kalo labanw na, an ka jamana kuntasigiy ye hakilijagabō wolo fenseñ jamanadenw ye. Jekafó ninnu bolila an ka sigidaw n'i hadamadenya kojew kan. O kojew la, dudenw ka ciyenko, furuko ani musow ka selijili. Nin kumanogonya ninnu ma tulutige. Fen min y'a furuko ye, an bëna a mafile ka dō fo o kan. An selen Buguni mara la, an ye ye furuko masala ta k'a bila an balima jamanaden dōw koro k'u fela dōn a kan.

Furu ye yere mun ye ?

An balimamuso Danbelela Asitan Bangali n'ale ye dumunifeerela ye Buguni mobilibatayorō la, ale y'a hakilina d'an ma. An balimamuso y'a jirafolō ko furu ye fen ye min ka di Ala ye. A tilala k'a fo ko furu ye jenamaya taabolo bele-bele ye min b'a to an be bugun, ka caya. O be soro je barikama de kono ce ni muso ce. A y'a jira tugu-ni k'o je be ke hadamadenya, njogonbonya, heere ni heere tana kono. Furu kunnadiya folō ye furuce ni furumuso ka heere soro li ye daamu kono.

Furu tun be ke cogo di ?

An ka laada la, furu tun be ke taabolo dō de fe. A tun be mafile duw kono na kecogow fe. Muso furutaw tun be latomo. Muso bée tun te sugandi du bée kono fo n'a tun kera du barikamaw ye. O b'a



jira k'a fo ko muso bée tun te muso furutaw ye. Du barikama te dōwëre ye muso sabalilen ni muso mujunen tun be soro min kono. O be da mun kan ? A be fo ko ni muso y'a furuce sutura muju ni sabali kono furu yere diyanye koso, o muso masina ka du be barika. Ni du barikara, a denw be barika. O muso sugu tun be soro du o du kono, muso furuta tun be jini yen.

Fen min fana tun be furu la folō, fa ni ba tun te demuso di furu la wa u da tun te don a kuma na. Beniw ni tenemusow de tun b'a kojew njenabō. Denmuso tun be di ce min ma a tun te o dōn fo n'a donna

kono so la waati min na wa a tun te a furudugu fana dōn. A tun be taa yen a se t'a la.

An balimamuso Danbelela Asitan Bangali y'a jira an na a ka kuma laban na ko danbe te furu la bilen. Ko musow ye furu danbe bée bō a la bawo bonya te furu si kono bilen. Yali o ye aw fana hakilina ye wa ? N'o ye tijé ye, yali an be se ka furu danbe lasegin wa ? O danbelasegin be ke cogo di ne balimaw ? Kuma be aw bolo sa dère. Fo ni maa y'a ban kuma na. Aw y'aw felaw ke bataki ye furuko kan k'u lase Jekabaara ma. Bée k'i fela jira de.

Yusuf Jalo

Koba te ke ka caya

Tine ka di bamananw ma bawo olu de ko" koba te ke ka caya, wa ni kelen min kera, o be meen ka lakali". "ACTE 7" n'o ye Mali seko n'a dønko kenyereye sankorotali kuluba ye, o y'o nsana tiñetigiya. "Festival des Réalités" n'o y'a ka miirinajuman ye, a y'o wale ko duurunan tiime jama na faaba kono. An karamogo Adama Tarawere n'ale de ye "ACTE 7" miirinajumantigi n'a ñemaaba ye, ale ye jama bisimila ka ñenaje ninnu nacogo n'u kecogo dajira maaw la. A y'a jira maaw la k'a be waatijan bo Mali jama na togo tun tununa ñogonyebaw kene kan. O ye fen ye min ka kan ka mafile ji ñemajolen na. Tarawerek y'a jira ko ñogolon n'o ye teyatiri ye, o ju bora an ka diñenatige konokow la.

Nin koref in kofe, Jeneba Jakite n'a ka folikelaw ye kene nama furan ni dønkili duman ye. "Fripon Divin" n'o ye jamana naani je ñogolon kulu ye (Faransi, Mali, Maroku ani Mekiziki) o sorola ka tugu o la ni ñogolon dumanw boli ye k'u jira maaw la.

Nin ñenajew senfe, diñe fan tan ni naani maawcaman nana : dønkilidalaw, dønkelaw, jirimaanidilannaw,

kunnafonikelaw ni sebennekelaw.

"ACTE 7" ka nin waleya ye seko ni dønko sankorota Mali mara 6 kono : Kulukoro, Segu, Sikaso ani Mooti. "Taaba Taaba" n'o ye Mali ñogolonbølaw ka laben do ye, o jirala maaw la Bamako. Ñogolonbøkulu wørew yera "Festival des Réalités" kene kan i n'a fo "Kana kasi", "Groupe Ñogolon", "Echo à l'asile", "les qui font la morale", "la grève des battus", "la fuite d'ombre", "l'enfant paradoxe", "Targuiya ou l'amour aux temps de la guerre" olu n'u ñogonna caman.

Mali dønkotigibaw n'a seko tigilamaaw ye ñenajew dawula kørøta Mali ñenajekesobaw la.

Nin ñenajew kene kan, Mali kunnafonilaselaw tun be yen ka fara jamana wørew taw kan. An baaranjogen musoman n'o ye "Joelle Marcellot" ye, ale fana tun be kene kan Faransi arajo "RFI" togo. A ñenajew senfe, "ACTE7" ye kunnafo, ilasseben kerékerénen labo a døgokun kelen kono.

Hakilinajira sira kan, "Michel Faure" y'a jira maaw la ko "farafinna te golofinna damaw sigiyoro ye". O b'a jira k'a fo ko Adama Tarawere ka nin hakilina in kera sababu

ye ka døn, ñogolonbo, dønkili ni sekow bo dibi la k'u bila jama ka bolokan walasa beë k'i wasadon u la.

Baarada ni jigilamaa 53 hake de y'an karamogo Adama Tarawere deme nin waleya tiimeni konuman na. Maa dunan minnu nan ñenaje in kene kan, olu be se maa 335 hake la. Tiyatiri jekulu 17 de tun be kene kan ka fara døkilidala maa 21 kan 'farafinna taw ni farajela taw). Tarawerek ni foli ka kan.

Jon ko ñogolonko ye ko denin ye !? Ala ka san nataw ta jira an kene na.

Fanta Kulubali

Jekabaara

y'aw cikelaw de ta ye.

A' y'aw ka kunnafoniw ke batakiw ye k'u lase

Jekabaara ma

an k'u jensen.

Waribø t'a la.

Jekabaara Lasorosira file :

JAMANA Baarada

Hamudalayi Bamako,

Negejurusira : 29 62 89

Batakisira : 2043

POLITIKIKO TAABOLO

San 2001nan daminena ni koba filia ye minnu kelen kelen b'an ka jamana kunkorota dñe fan bee fe. A fo'o y'an ka jamana kelkecew ka kuluba sigisenkan donba don-kunbenseli ye n'o be ben zanwuyekalo tile 20 ma. A filanan be jamana politikitonw kofo. Olu y'u da don file kelen na ka jekafé kene sigi san 2002 jamanakuntigisigi kalataw hakilina sira kan. O sigekafé waleyara u ni njogon ce zanwuyekalo tile 19 fo a tile 22. Politikiton bee yera nin badenya kene in kan. O ye wale ye min bëna Mali jemufanga sinsin, k'a ke misali numan ye k'a jira dñe na.

An ka kelkecew ka seliba don n'a koro be mun fo ?


A yera Mali jamana ka yëremahoronya taatuma (san 1960 setanburukalo) ko horonya in te se ka sabati abada jamana ni jamanadenw lakanani to marabaga koro'w ka bolokan n'o tun ye Faransi ye. O sira kan, weele bila-

la jamana jalatigiba do ma n'o ye Abudulayi Sumare ye. Ale bora Faransi kelkecew ka bolokan ka na Mali kelkecc kuraw laben. O don bennna zanwuyekalo tile 20 ma. Faransi kelkecc kelen laban min tora Mali jamana kan, o kera o kedon ye ka jamana Mali bila.

Mali jamana kelkecew yera keleda caman na wa u kera sabu ye fana ka jisuma ke a caman na k'u lasa. Mali jamana koro'fela sigibagaw ka murutilli fo'o (san 1963) n'a filanan (1998) b'o la ka se Mali ni Burukina ka dancekélé ma (san 1986). U kera sabu numan ye fana ka fusiri siwkiw ni milisiyenw ka dantemewalew la san 1968 waati. Bi farafinna sigilen don balawu ni fitine kan. Mali kelkecew wulila kaa taa u dalasa Ganbi, Lajine Konakiri, Liberiya, Seraloni ani Uganda. Ala ni Mali kelkecew barika la.

Tuya Sidi

Takana



JAMANA Baarada Ka Gafe Kuraw

Bora.

Gafe ninnu do file :

* Sensabana be n den na.....

Ne ka kan 'ka ka mun ke ?

* An ka yele doonin

* Takana

Aw ye wuli ka se Bamako

Jamana Baarda ka Gafeeereyoro

la min file "BDM.sa" dafe.

Modibo Keyita Togola Siraba dala

Songo-damatemediya don .

U KO

Kungo o kungo diden mana i gen, i mana o dimogoba ye, i be boli o ne Babilen Konate ka bɔ Jalakoraji, Bamako

Boli be ke ka banabagatifura min bɔ, tobili te masoro o la.

Gonba Tarawere
Ka bo Dɔribugu, Kolokani

Ni mogo min, ye kala mene k' buranke nimi, do fana b'i ye o yeelen na.

Seyidu Tarawere
Arajo Jekafé cakela don Bamako

Ni wososenna y'a dogo ka bɔ danin fe, ni sa y'a cin, a be don daba fe.

Sayon Kulubali
ka bo Kababugu, Kati

Sanji min te wo, o be baji kuntunu.

Kajatu Kulubali
Ka bo Jalakoraji, Bamako

Ni felebolaw wulidon kera mogo min ka wuludentadon ye, i be wulu soronka i tona ben ni sogominewulu ye.

Tuya Sidi
Bamako

Dingesenwaranin dabara mana janya n'a sonin ye, a dondinge te sorocogoya si de la.

Baba Gindo
Abudulayi Bari Ton
Bamako

Bolodankanna ye diyanye de ye konte maa si kelennataamato te bin.

Buran Jalo
ka bo Yanfolila
Buguni mara la

N'iko maa do ma na nin fen in mine, n'a ko a t'a fe, yali jor de malola ?

Npene Jara
ka bo Dugabugu
Segu mara la

Den min wolola nsirasun koro, kaa taa a lamɔ ntomisun koro, fosi te fo kumuko la a te min don.

Maadu Konate
ka bo Sala Kalabankoro

BALIKUKALAN : CIKEBUGUDAW KA SORO SIRABA

Balikukalan ye yiriwa sinsinbere fōlō ye min nafa te fō ka ban cikebugudaw la. Ale de kera saba-bu ye senekelaw ka se ka gafew ni kunnafonilasesebenw kalan, k'u yere ta sebenni ni jate nasi-ra la. N'i ko sannifeere, soroko nasiraw, jiriko ni baganmara, ani baarakeminenw lasagon konuman, nin feerew n'u dɔnniyaw be senekelaw la togodaw la. O laben konuman min be cikelaw bolo bi u yerew ka konew nənaboli la, o sabu bora balikukalan na. CMDT kera taare ye o sira kan.

Mali jamana fan tan ni naani na, togoda yiriwali baa-rada caman sinsinnen don balikukalan kan yaasa ka soro sabati jamana cikebugudaw la. CMDT y'o baaradaw la fitinseyeelen ye.

CMDT y'a faamu ninan y'a san 30 ye ko yiriwa te sabati cikebugudaw la balikukalan ko. O ye CMDT bila a ka balikukalan sankorotali k'a ka sinsinbere ye a ka togoda yiriwali feerew la. O misali fōlō kera balikukalan donni ye Kucala mara konona na san 1965 waati. O tun ye "UNESCO" segesegelifeere ye kalansow dayelenni na. Balikukalan dabora o waati walasa ka "PAM" ka baaraw sabati konuman a bolo. O baaraw tun be sukaro ni tulu ni balo de dili kan jama ma. Kalan tun be boloda koorisene ni tigasene ni sirasene kan. Kalanso 700 de dayelenna o cogo la Kucala mara konona na san 1972. Nka, kabini "PAM" ka baara ninnu jora dɔrɔn, kalanko fana fanga dɔgɔyara o yɔrɔw la.

"An ka dugu", o fana kera



kalan te a kekun ne fo ce ni muso bee y'a soro

balikukalan feere kura tigelen ye "ACDI" fe n'o ye Kanadakaw ka demebolofara do ye. O feere waleyɔrɔ taara ben Buguni mara konona ma. O cogo la, san duuru kera baara la (san 1976 fo san 1980). Balikukalan gafe fōlō labenna o konona na. Nka o

feere fana joli ni kalan ta bee kera waati kelen ye.

San 1975, CMDT y'a ka duguyiriwatōn fōlō sigi sen kan. O dabokun ye yere ta feerew donni ye cikelaw kɔrɔ sannifeere ni senekeminen juruko nənaboli la. Jamabaara nafama keli be fara o kan. O

siratige la, CMDT y'a bolo di "DNAFLA" baaarada ma ka balikukalan feëre bërew tige kalanje ni sëbenni ni jatekalan kan. O dabali nögöñmanw bë boli dajew ni jaw kan minnu bë kan fccogo n'a signidenw dorogocogo faamusira nögoya bëe ma. A do la maa bë se k'i yëre kalan haali.

Feërew sera ka don balikukalan na CMDT cikemaraw kono hakilijagabow senfe laben kojuman sira kan. O de y'a to san 1982, kalan feëre kura dë bolodara Zafukuntigiw fe. Tile 45 kalan keréñkerénnen nana sigi o cogo la. O kalansen telin min bë ke tile hake kofolen in kono, o dabaliw tigerä cikeyorow la. O kalan lawulili bilala sanni-feere waati kono na bawo a kolosira k'o waati de ka fisa kalandenw lasoroli ni kalan yëre keli la. Ben kelen o kan tuma min na, kalan bolodara o cogo la CMDT cikemaraw kono. O bolodacogo kelen na, duguw b'u ka kalanko lanini ke ani ka kalandenw sugandi k'u bila ka na kalanyoro la. O bëe bë ke baaranögoya hakili-na kono CMDT ni duguw ce.

CMDT bë kalan dëw boloda tile 60 kono a ka kalansow la, waati dëw la. Olu bë taa kuncé animateriw ka kalan na dugu kono tile 20 hake la. Dugu kalanden jolen bë soro o cogo la wa o maa kalannenw bë ka duguyiriwatón konew ñenabö a ñema CMDT

cikemara kelen kelenna bëe kono.

Kalanden jolen b'a sinsin gafe dëw kan a ka karamögoya kono na (kalanje ni jate, karamögö demenan ani yërekium walanda).

Yelema minnu donna cikelaw ka kojew na san 1990, o fana ye o yelema kelen don kalan feëre kura in na.

Nin yelemw de kera sababu ye ka balikukalan yiriwa CMDT cikemara kelen kelen-na kono.

N'a mafilela CMDT kono, balikukalan nafa fôlôw yera duguyiriwatónw sigili waatiw la. O sanw na, CMDT yëre ka forobaciya taaabolow la, lanini la kumaba tun ye dönniya ni feërew latemeni ye a baaranögön cikelaw ma u ka sigidaw la : forosuma b'o la fo ka taa se cikeda ñenaboli dönniyaw ni foro konew segesegeli n'u nögönnaw ma.

An bë waati min na i kosisan, geleya caman bë duguw ka balikukalanko la minnu sababu bora labenw kebaliya la ka ne sigidaw fe. O bëe n'a ta, cësiriw bë senna yaasa ka kunfinya kële ka bë duguw kono. O maganw kera sababu ye ka soro siraw jiidi CMDT cikemaraw kono.

Balikukalanko la, Kucala cikemara ye taare ye

Balikukalan donne Kucala cikemara kono CMDT barika

la(a bë san 30 bë), a kera sabunuman ye yen cikelaw ma. Soro sira caman sinsinna u bolo. O misali fôlô, koçrimansa ni ñomansa caman de bë Kucala cikemara kono. U jôda bonyara Mali soro ko n'a baloko la kosebe. Balikukalan matarafali kojuman y'o sabu ye. N'an ye Kucala cikemara ka salon kalanko lahalaw mafile, a bë ye k'a fôko kalan so 555 de dayelenna yen. Maa hake min taara kalansow kono, o bënnna maa 9959 ma (o te maa baa 10 ye). Olu la, cew tun ye 7559 ye. Musow tun ye maa 2398 ye. O kulu la, kalanden kiimenen bënnna maa 7092 ma. Segesegeli kofe, kalanden minnu jora ni siga t'u ka dönniya sorojen na, o kera maa 2294 ye.

Ala ka balikukalan yiriwa jamana sigidaw la. Bamananw ko : "Na n deme n ka doni na, o kasoro a nunnen don i disiyanfan".

Yusuf Jalo

CMDT mögo minnu ye sëbenni ke boko in kono;

Dawuda Matiye Dawo -
Bamako;
Usumani Tarawele - Bamako;
Daniyeli Kulibali - Buguni;
Abudulayi Jara - Sikaso;
Musa Zano Tarawele - Kucala;
Abudulayi Kara - San;
Yusufu Jimé Sidibe - Fana
Samakun Keyita - Kita

""CCAK"" ni ñoro senekelaw césira

"CCAK" ye goferenaman ka cakeda ye min nesinnen be togodaw yiriwali ma ñoro mara la. Ale sigira senkan san 1996. ""CCAK"" ye cakeda min nonabila o tun be weele ko ODIK, n'ale tun ye Kanadakaw ka demejekulu ye min sigikun tun ye ka yiriwalibaara sabati Mali kono, keréenkérénnya la, ñoro mara kono. O ye san 17 de ke baara la mara in kono k'a ta san 1978 la, ka n'a bila san 1995 la. Jekabaara sebennikelé do ye taama ke ñoro dugu kono. O taama senfe, a ni "CCAK" nema Mamadu Kamara ye baro ke wala-sa ka kunnfoni jönjön d'an ma "CCAK" ka taabolow kan ka nesin ñoro n'a lamini duguw ma. Kunnafoni minnu soro-la o sen fe, olu file :

Jekabaara : Karamogo Mamadu Kamara, e ye "CCAK" nemaaba ye, yali "CCAK" yere ye cakeda sugu jumen ye ?

Mamadu Kamara : An te se cogoya si k'an da don "CCAK" ka ko la k'a walanwalan n'an da ma ne "ODIK" ma. Ka d'a kan, ale tun Kanadakaw ka demejekulu belebe-ye min sigira sen kan Kanada ni Mali ka bolodijognoma kadara kono ka nesin yiriwalibaaraw sabili ma ñoro mara kono. Ale ye san 17 ke baara la yen. K'a ta san 1978 la, ka taa a bila san 1995 la. O siratige la, beej lajelen b'a don ko yiriwalibaara te don kelen ye, wa san kelen ko fana te. O hukumu kono, "ODIK" ka waati dafara ka baara minnu to to yen, ani minnu labanna n'u ma sinsin, Mali goferenaman ni Kanada ta jera k'u hakilijagabo, k'a laje, ko ñoro mara te se ka bila a yere ma abada. O hukumu kono, u ye "CCAK" sigi sen kan san 1996 ka nesin "ODIK" ka baara kelen koro to labanni ma. O siratige la, "ODIK" tun be baara ke yoro o yoro la, "CCAK" fana be baara ke o kelen kelenna bee la. O hukumu kono, n'i y'a jate-

mine, "CCAK" ka baaraketaw te kura ye, ka masoro "ODIK" tun be minnu ke korelen, "CCAK" ta y'o la nonadilan ye.

Jekabaara : Karamogo Kamara, "CCAK" ni dugu joli bolo be njogon bolo yiriwalibaara hukumu kono ? Ani mogo joli be baara ke cakeda in na ?

Mamadu Kamara : I n'a fo n'y'a fi ye cogo min, "CCAK" ka baara te kura ye. "ODIK" tun be baara ke fan o fan, "CCAK" b'a ke olu beej la. I n'a fo ñoro ni Jema mara mumé, ani Bafulabe kubeda 4 fara Nara kubeda 1 kan. Min ye "CCAK" baarakelaw hake ye an maa duuru de be baara ke cakeda in na. N'i y'a jatemine, i b'a ye k'a fo ko "CCAK" be baara ke kubeda 17 de kono.

Jekabaara : Kamara, yiriwali nasira "CCAK" nesinnen be waleya jumew dondalali ma ñoro mara kono ?

Mamadu Kamara : "ODIK" tun be baara o baara ke yan folo, "CCAK" be olu beej lajelen ke. Ka d'a kan, bamananw b'a f'u ka nzana do la ko :" Ji man kan k'a temensira koro bila". O hukumu kono, an ma "ODIK" ka baara kelen koro si bila. N ka, danfara min be CCA ni "ODIK" ce, o ye minenko ni baarakelako ye. Ka d'a kan, "ODIK" tun be yan waati min na, maa 400 njogon tun be baarako a kono, ani mobili 20 njogonna. An be don min na i n'a fo bi, maa 5 de be baara ke "CCAK" la, ani mobili 2. Nin ye danfara ye, min be "CCAK" ni "ODIK" ce. Min ye baara yere taabolo ye, tige yere la, an be baara ke ni mogow ye, minnu sebe be u yere la yiriwali nasira fe. O siratige la, an be deme ke ka nesin yiriwalibaara caman ma i na fo : kolen, nakobaara, jitonyoroko, ponekolo ka fara balikalanko kan. Ka masoro o y'a beej lajelen sinsinbere ye. O hukumu kono, an be don min na i n'a fo bi, "CCAK" sinsinnen be balikulanko kan

ñoro mara la kosebe.

Jekabaara : Kamara, baara be ke a nafa kama, e ka nemaaya damine ni sisan ce "CCAK" la yan, yala i ka kolbsili b ra a kan ni yiriwalibaara be ka sira soro aw ka baarabolo duguw kono wa ?

Mamadu Kamara : Ni y'a kolosi, i b'a ye k'a fo yiriwali baaraw be ka sira soro. Ka d'a kan, "ODIK" ye baara o baara damine, minnu banna ani minnu ma laban, olu caman ye sira soro. N ka dugu dow be ye, olu seginna u k'o doonin. Nka o koro te k'u ye fen ninnu bila pewu, ka d'a kan, ni duguyiriwatón mogo ka faamuya ma se yoro jan laadilibaga dun t'u la, u fari be faga baarako la k'u bolo bo a la doonin. O hukumu kono, n ya fo ko dugu gow seginna u k'o doonin. O temennen k'o, dugu dmw fana ka kosegin sababu be u yerew ka faamuyalibaliya la, ka masoro an ye yiriwalibaara caman ta ka nesin u ma, o dow ma se k'o faamu cogoya si la. N ka an be don min na i n'a fo bi, olu caman be ka wariba bo ka o baara dow nesini. Misali la, an taara dugu dow la ka t'u deli wala-sa ka ponekolo sen u ye, u ka bota tun be ben doreme 20 000 ma ; n ka o beej n'a ta, olu ma son. N ka bi, olu be ka sefawari doreme 1 000 000 walima doreme 100 000 ta k'o nini ka dese.

Jekabaara : Kamara, demejekulu mogow ni togodalamogow ka baara taalan ye sigikafé ye, aw n'aw baarakelogow ce be cogo di ?

Mamadu Kamara : Sigikafé ni njogonfaamu b'an ni njogon ce k'a d'a kan, n'i y'a jatemine i be "ODIK" ye anw kofe doonin. Sabu ale togo te se ka tunun ñoro mara kono abada. O hukumu kono, danaya min tun be o kan, o de dalen be "CCAK" kan. O siratige la, dugu dow be yen, olu ka sefawari doreme 6 000 000 be anw bolo ponekolo kama. O dow be san

2 walima san 3 bɔ. Maa dɔw ye hakilina jugu ta ka don u dusukun na ko anw b'u ka wari miné k'a dun k'an te se ka kolon sen u ye cogoya si la. Nka ni Ala sɔnn'a ma, an b'a jira u la, k'u ka wariw te tununyɔrɔ la, k'a d'a kan, nin nɔgɔnna caman wɛre be yen. O hukumu kɔnɔ, n be se k'a fo ko bən ni nɔgɔnfaamu ni sigikafɔ b'an ni nɔgɔn ce. O temennen kɔ, baara o baara n'an b'a ke, wajibi don an ni dugumogow ka bən a kan fɔlɔ ka sɔrɔ k'a damine. An filé desantaralizasonko tile min na nin ye, an ni mériw ye nɔgɔn baarakənɔgɔn ye kosebe, k'a masɔrɔ anw be ka baara minnu ke olu de ye mériw ka baara ketaw ye bawo "CCAK" be yan waati kunkunrunin de kɔnɔ. O sira kan, "CCAK" be sigi waati min, an tun ye baara do boloda k'a jira Kanadakaw la, n'o sera ka sirasɔrɔ, o be nesin komini yere demeni ma a ka yiriwalibaaraw sabatili la. Nka Mali jamana ni Kanada jamana benn'a kan, sann'o ka ke, "CCAK" ka sigi fɔlɔ ka "ODIK" nɔnabila.

Jekabaara : Kamara, baara geleyantan te, aw fe yan, a geleyako be cogo di ?

Mamadu Kamara : Gεleya be anw fe yan. bawo baara o baara ni mogɔ b'a ke, i sigilen don geleyaw kan. Gεleyaba be anw fe yan. Gεleya fɔlɔ, o ye mogow ka faamuya kecogo ye. Dɔw hakili b'a la ko "ODIK" tun be yan waati min, o tun be baara minnu ke, fo ni "CCAK" y'o nɔgɔnna ke. O dun ye fen ye min keli ka gelen, k'a d'a kan se t'an ye, wa a mogɔ t'an bolo. Mogɔ 5 de be baara ke "CCAK" la ani mobili 2. N'a fɔra ko "CCAK" ka "ODIK" ka baara keta nɔgɔn ke, o te ko nɔgɔn ye. O temennen kɔ, geleya filanan file. Loro mara ye yɔrɔ ye min mogow ka taama ka ca kosebe. N'i ye mogɔ minnu kalan ninan, san wɛre n'i taara olu ka duguw la, i b'a sɔrɔ olu tilance be s lajelen taara tunga fe. Gεleya sabanan be kunnafoniko kan. O jensenni te ko nɔgɔn ye yan.

Gεleya naaninan baaranɔgonw cayabaliya ye. O siratige la, maa caman b'i nesin anw ma. Ni anw ni demejekulu tɔw jera, anw be geleya sɔrɔ kosebe. Ninnu de ye an ka geleyabaw ye minnu be anw kan Loro mara la bi.

Jekabaara : Kamara aw kelen be ka 2001 san baara boloda cogo di ?

Mamadu Kamara : An be baara ke ni san baarabolodaseben ye. O be laben san o san. O siratige la, an ye 2000/2001 baara damine kalo duurunan ye san 2000nan nowanburukalo ye. An tɔ ye fen caman ye. Nka n be min d'o kan, a be se ka ke nin bən ke an ka baarabolodaseben laban y'an bolo. Ka d'a kan, ni goferenaman ma dɔnsen kura ta ka nesin an ma, cogo te ko la. Baarakənafolo min dir'an ma, o dan ye ninan ye. O cogo la, an ka baaraketa kɔrow tilallen fila ye, o tilance 1, an y'o de ta. O sinsinnen be fen min kan o ye balikukan ye ani musow demeni bawo Poroze waati la, musow ma deme nɛnema sɔrɔ. An hakili b'a la ninan ka tilejaponpe 5 sen. Nka a be ke dugu minnu kɔnɔ, olu b'u niyɔrɔ sara a ko la. Fɔlɔ demejekulu de tun be duguw niyɔrɔ sara. Nka komini demejekulu te yen sisan, wajibi don duguw yereb'u jo n'a ye. O temennen kɔ, an ye baarabolo do damine n'o ye tilejaponpeko ye, k'a masɔrɔ musojiginsɔ caman be Loro mara kɔnɔ. Musolajiginnaw be lanpanw ta ka musow lajigin n'o ye. O siratige la, an be pɔnpesoleri dɔw sigi musojiginsɔ dɔw kɔnɔ. An ye 10 nɔgɔnna sigi o la san temennen na. Ni Ala sɔnn'a ma, an b'a fe ka yeelen don Loro mara musojiginsɔ caman kɔnɔ. O temennen kɔ, min ye duguyiriwakesuko ye, o fana be an ka ninan baarabolodalenw na. Dugu dɔw be yen olu ni Loro ce ka jan, i n'a fo Usubijanjan ni Bale fanfeduguw. N'i k'o senekelaw ka taakasegin ke Loro n'olu duguw ce, o ye geleyaba ye. An y'a nini o duguw kominiw mériw fe, u ka baa-

rabolo jɔnjɔn do laben u ka nafolo be se ka don min dafe n'a te ke ni tñenye. N'o kera, an be wari labo k'a d'u ma. Ninnu ye ninan baara bolodalen kologirnw ye.

Jekabaara : Kamara, i y'a jira i ka kuma kɔnɔ ko aw bəna pɔnpe 5 sen ninan. Yali dugu jumene sugandira aw fe ?

Mamadu Kamara : Dugu dɔw sugandira, dɔw ma sugandi. I n'a fo n y'a f'i ye cogo min na, dugu dɔw y'u ka wari sara. Minnu y'u ka wari sara, olu be jate dugu sugandilenw fe. O hukumu kɔnɔ baaranɔgɔnya be an ni cakeda min ce o baara waleyali kama, o ye "ADS" (sigidakɔnɔ-yiriwalibaarabolo ye). Nka an be don min n'a i ko bi, geleyaba be cakeda in kɔnɔ an'a kokan. O y'a to baara in ma se ka ke fɔlɔ. Nɔntε, olu de y'a fanba kebaga ye. Nafolo hake min be taa baara in dafe, o be se sefawari miliyon bi naani (d. 40 000 000) hake la. I n'a fo n y'a fo cogo min na, pɔnpe duuru in na, "ADS" ta ye 3 ye, anw ta ye 2. ye. Nka bamananw b'a f'u ka kuma do la ko "N'o be nɔbugu, nka takan b'a la". O bεe n'a ta, dugu 2 ka nafolo be an bolo yan, n'o ye Madina ni Alahina ye. Madina ka sefawari miliyon naani (d. 4 000 000) be an bolo a be san 3 bɔ.

Jekabaara : Kamara, kunnafoni ko be cogo di aw n'aw baarakənɔn ce?

Mamadu Kamara : Min ye kunnafoniko ye, baaranɔgɔnya tun bs an ni Jamana Baarada ce. An ka kunnafoni dɔw tun be jenseñ o fe a ka kunnafonilaseseben kɔnɔ, n'o ye Jekabaara ye. O hukumu kɔnɔ, san 2000nan kalo 4nan tile 4 n'a tile 5 lajeba min kera ""CCAK"" ni Jamana Baarada ka ce k'u bolo di nɔgɔn ma kunnafoni jenseñni kadara kɔnɔ fulakan ni soninkekan na. O hukumu kɔnɔ, Jamana baara y'i kandi ko ni Ala sɔnn'a ma, baara in be ke hakililatige ni nɔgɔnfaamu kɔnɔ. Ala k'an bən kelen ma.

Yusufu Fane
Jekabaara ka ciden Loro

Baloko geleya y'a coko jamana kono san “Bore lankolon te jo”

Jamanakuntigi ka laadala-sanbee-sanbee foli senfe, a ye jigi-sigikuma fo ka taa jamanadenw fan fe. Balokodese be minnu na ninan san kono na, a y'olu dusu saalokuma fo. Mali ka balodeseta ka bon kosebe ninan san na.. O hukumu kono, jamana kono jatebolaw ka cakeda nemaayaso ni demejekulu min nesinnen be togodaw yiriwali ma, olu y'a jira ko an ka jamana kono, n'i ye sanw da nognon koro, i b'a ye ko balodese hukumu kono, ninan ta jiginna salon ta jukoro ni 17,5 kem'e sara-da la. An jigi dalen tun be balo hake min soroli kan, an deser'o ma ni toni 172 000 ye jamana fan bee lajelen kono. Nin sorodgoya in be nesin an ka sumankise ma, i n'a fo (keninge, sanjo, kaba ani finikise). Min ye sanjo ye, o deser'a ni 2 kem'e sarada la salon ta koro. Keninge sorojiginna ni 14,4 kem'e sarada la. Kaba ta kera 64, kem'e sarada la, finikise fana soro jiginna ni 55,3 kem'e sarada la. Fen min ye ni sumankisejalanw ye, olu jiginna baion ta jukoro ni toni 142 000 ye. Min ye malo ni alikama ye, olu soro yelenna doonin. Malo ta sera 2,5 kem'e sarada ma. Alikama ta kera 35,4 kem'e sarada ye. Nka nin soroyelen n'a ta bee sigi kelen don n'a ye k'a fo ko jamana mago be malo hake min na tigi-tigi, ko min b'o be taa i munumunu toni 5 000 dakoro. N ka min ye alikama ye (toni 260) yelenna o soro kan. Jamana jatebolaw ka nemaayaso ni togodaw yiriwali demejekulu ka kolosili y'a jira ko n'i ye ninan ni salon sanga nognon ma, i b'a ye ko balokogeleya be an ka jamana marayoro bee la, fo n'a bora Kaye, Sikaso ani Gawo la. O koson, nin cakeda filo y'a sementiya ko baloko ninannama te san temennenw bo. O hukumu



kono, u ye demetelmanw nini ka nesin marayorow ma, balodese be minnu na kosebe. Cakeda min nesinnen be maaw lasonmini ma joona, waleya in kalifalen be olu la, u ka yorow dantige, baloko soro ma minnu labo kosebe. O hukumu kono, marayorow dow ka damakasikan donna jamana nemaaw tulo la : Narakaw, Konnakaw ni Bajangararakaw b'olu la. O siratige la, jamana nemaaw ye layidu ta ka weele bila jamanadenw ma nognondeme sira kan k'a lase nin kasaarato ninnu ma. Koorisenebak sen te nin geleya in na. N ka u te hereba la i n'a fo san tow. Geleya min donna CMDT ko la, o nana ni soro jignni ye kosebe ninan baarasan na. Senekela fanba y'u ka sariya sigilen labato, n'o ye koorisenebaliya ye.

O kololo kelen de y'a to an ka jamana koori soro danna toni 233 000 ma. Nin b'a jira k'a fo ko soro jiginna fo ka se tilance ma. N'i y'a ni salon cikesan ta sanga nognon ma i be danfara ye. Mali togoda yiriwali minisiri Eli Madani Jalo ka fola, wasabulon kono, a y'a jira ko nafolo hake min be forobakesu wari daje o be taa i jo sefawari miliyari bi seegin na. Goferenaman ye fura jenama nini CMDT ka

geleyaw la walasa a ka segin a cogo koro la. Walasa ka dansigi ke senekelaw ka murutili la, jamana y'a bolono bila Benkansaben na ka nesin dakun tan ni kelen ma. Ka ben n'o benkaseben kono ye, jamana ye sefawari miliyari 2 ni murumuru sara walasa ka deme don senekelaw ma, sanji ye tijeni ke minnu kan cikesan temenen. Sefawari miliyon 576 ni doonin fana sarala cikelaw ye, minnu ye kasara soro duguyiriaton (AV) jugu dow sababu la. Juruko taabolo do sigira senkan BNDA kono, min hake be se sefawari miliyon 980 ma walasa ka cikelaw deme u ka cikeminen kuraw lasoroli la.

Cikela minnu kannajuru ka ca kosebe, olu ka juruw sarali bolodara k'a ta san 1, fo san 5. Mali koorko baarada n'o ye CMDT ye, o fana y'a seko ke. A y'a ka kalosaramusaka hake jigin fo ka se 20 ma kem'e sarada la.

Mali waribonbaw fana jenna n'a ye ka CMDT ka sefawari miliyari 30 kannajuru sarali bo a dogokoro.

An ye nin kunnafoni soro ka bo "Les Echos" kunnafonisaben kono. Burama. Ture bolono don. Don ni duguje boko 1635 nan zanwuyekalo tile 3, san 2001 nan.

Bayelemabaga :
Yusufu Fane

Mooti mara n 'a kɔnɔkow

Mooti ye mara y'an ka ka jama-na kono, min n'a joda be nogon fe. Tarikuko siratige la, Mooti mara de tun be weeble ko Maasina. N'i y'a men an ka jeliw da ko Maasina fulaninw, doweré ko tun te Mooti (a weeble togo bilama) fulaw ko. Fen min ye Mooti bilama, netaa walew caman be waleyasen kan walima sifileli dakun na. Mooti te bagan-mara dama banbanyoro ye.

Sene ni nakobaara ani jiridenko be tonobo yen kosebe. Sofara, Jalafara, Jafarabe, Konna fo ka se Sangaw ni Kaado dugu werew la, nin dugu ninnu kelen-kelen bee kɔnɔkow b'a jira ko Mooti ye mara belebele ye an ka jamana ka netaa te se ka latige min taabolo mineko human ko.

Nin bee de kama "CAR" baarda siratige la Mooti ma ke bolokofefen ye. San 2001 zan-wuyekalo kera o misaliba ye Jafarabe dugu kono. O kera wulikajo kalo ye, min lajini tun sinsinnen don netaa walew siraboli feerew tigecogo kan.

Sanni an k'an dadon o walew la, a ka kan nin yoro in na, an ka kuma Mooti siyaw joyoro kan. Fulaw ni kɔrobɔrow ; kaadow ni dafinw ; marakaw ni bamananw ka se somonow ma nin siya kelen-kelen n'a ka baara keta lakodonnen don. O b'a jira ko sene ni baganmara ani monni be jodaba la. Nka fen min ye jago ani sekoo ni dɔnko fenw lalagali ye, olu fana ma to ko Mooti. Poroze caman de fana ka

nogonkunbenyoro kera Mooti ye. Amerikenw (USAID) ; Faransikaw (AFVP) ; Alimanw (GTZ), ninnu n'u nogonna caman werew. Ni bee de kama Mama Konta y'a jira n na Jafarabe ko : "e ce ! Mootikaw te se abada k'u sigi ten k'u bolo fila da u sen kan. Ni jikene m'u weeble, forokene b'u weeble. N'olu si dun m'u weeble baganw b'u weeble !". Nin kuma in be mogo layele a focogo kama, nonte tige t'a bo. An be se ka min fara a kan dɔron o de ye ko : sekoo ni dɔnko magonefenw (deben negeenko numanw, finiw labencogo fo ka se wolo dogilenw ma, olu fana n'u joyoro don. Ni Alasonna, boko nata kono an bena jemukan in kunce.

Jekabaara ka ciden

Tuya Sidi

Jekabaara
y'aw cikelaw de ta ye.
A'yaw ka kunnafoniw ke
batakiw ye k'u lase
Jekabaara ma
an k'u jensen.
Waribot'a la.
Jekabaara Lasorosira file :
JAMANA Baarada
Hamudalayi Bamako,
Negejurusira : 29 62 89
Batakisira : 2043

Poyi Jon ko den man di ?

Ee, den bangebagaw !!
Alason, o ye den ye !
Den, nənamaya jujon,
Den, du nisondiyalan,
Den, du jigi,
Den, du nekise,
Den, du sinijesigi,
Jon ko den man di ?

Den, sigida labenbaga,
Den, sigida nənabobaga,
Den, sigida sinsinbere,
Den, sigida yiriwabaga,
Den, sigida sinijesigi,
Jon ko den man di ?

Den, jamana labenbaga,
Den, jamana nənabobaga,
Den, jamana sinsinbere,
Den, jamana yiriwabaga,
Den, jamana sinijesigi,
Jon ko den man di ?

Ee !! Denmisenninw de !!
Denmisenninw ka ladon,
Denmisenninw ka topoto,
Du sinijesigi kama,
Sigida sinijesigi kama,
Jamana sinijesigi kama,
Dige sinijesigi kama,
Nənamaya daamu n'a heere kama.
Nin bee kofe,
Jon ko den man di ?
An ka denmisenninw ladon,
An ka heere b'o de la de !!!

Yusuf Jalo

Nsiirin

Nin tun ye cekoroba do ye, Ala ye denke saba nogoya cekoroba in ye, minnu tun ye ko : Fakanmen, Bakanmen ani Yerekamen. Nin ce saba ninnu n'u fa taara senek la foro kono. Neges kanje 10 waati, u ba nana ni tilafana ye, u ye dumuni ke k'u fa, ka soro k'u lafiye doonin. Segennafijie bannen, u wuli ka senet damine. Salifana be taa se tuma min, sanji y'a su a kan. O kelen, cekoroba n'a muso n'a denw taara sanlatem bugu do kono. U be yen tuma min, bilisicekoroba nan'u soro yen. O ker'o bolo nisondiyakoba ye bawo ale balo soro ka ban.

Cekoroba n'a ka denbaya jawulilen tora ten u t'a don u bena a ke cogo min na. Utor'o cogo la fo ka na nene ke k'u degun kosebe. Cekoroba sigilen y'i ne komi Fakanmen ye ka sotaa tamaasiyen jira o la, de k'i kanto ko : "Fakanmen taa so i ka taa tasuma ta ka na". O fora yoro min, Fakanmen wulila k'a ka kulusiju gosi ka sosira mine. O taali meena ka

meen, cekoroba nan'i kanto ko ; "Aa ! i k'a don Fakanmen meenna sa de, wa Bakanmen i te taa a laje n'a ya soro min don". Okuma fora yoro min, Bakanmen fana wulila ka so segere, o ma segin. Cekoroba sigilen y'a yere nininka ko : "Yali nin ye here ye wa ? A y'i kanto Yerekamen ma ko : "I te taa laje so n'a y'a soro fen min ye ninnu soro nonte u meenna sa de". Yerekamen y'i kanto a fa ma ko : "Baa, e yere ne be ne sigilen na cogo min, i b'a don ko nene be ne na, wa n te taa yoro si la". Cekoroba y'a da tulu la, k'a da jaba la ka dese Yerekamen ma son taali ma abada. O kelen, cekoroba y'i kanto a yere muso ma ko "Wa i fana te tu laje n'a y'a soro min don". O fana wulila ka taa, o ma segin. N balimaw, a ko to kera konoafili ye cekoroba bolo, a t'a don a bena min ke. Cekoroba ye feere bee lajelen ke walasa ka Yerekamen lafaamu, a ma son. A laban na, Yerekamen nan'i kanto a fa ma ko "Baa, fo ni e yere be taa u laje nonte ne te taa

yoro si la". A ye nin kuma in fo tuma min, Cekoroba wulia ka sosira mine ka taa ka Yerekamen ni bilisike fila to nogon kan bugu kono yen. N balimaw, cekoroba ma se so bilisike ye Yerekamen joli min k'a ban pewu k'a to to a foto lankolon ye. Yerekamen ka ko labanna nin cogo de la. Kabini o don fo bi, Yerekamen nogonna bangeba ka kanmenbali kelen-kelenw be dije kono halibi. Utuma, an be dugawu ke, ko Ala k'an bee kisi Yerekamen ta in nogon ma.

Yusufu Fane

Jekabaara

Labolikuntigi

Yusufu Jalo

Sebenjekulu Kuntigi

Yusufu Jalo

Sebenjekulu

Bakari Sangare

Yusufu Fane

Jekabaara ni ONG cesira taamabaga

Fanta Kulubali

Negew kебага

Nuhun Madani Tarawelee

ko Banun

Baarakejogonw

Makoci, SNV, OCED

Hakebota

11000

Batakisira : 2043

Negjurisira : 29 62 89